



بِسْمِ اللَّهِ الرَّحْمَنِ الرَّحِيمِ
ISLAMSKA ZAJEDNICA BOŠNJAKA U ŠVEDSKOJ
UDRUŽENJE ILMIJJE
U P R A V N I O D B O R

03/14

Helsingborg, 23. maj 2014.

Poštovane kolege,

esselamu alejkum!

Na početku ovog dopisa želim se zahvaliti svim kolegama koji su mi, na posljednjoj Skupštini Udruženje ilmijje Islamske zajednice Bošnjaka u Švedskoj, dali povjerenje da, u godini koja je pred nama, obnašam funkciju predsjednika Udruženja.

Cilj mi je da, ako Bog da, zajedno sa svima vama, Udruženju damo značaj i ulogu koju ono, uistinu, treba i zaslužuje, te da aktivnosti Udruženja u Švedskoj i njegova afirmacija bude puno veća nego što je danas.

Dalje, vrlo je važno da Udruženje u svom članstvu okupi sve imame i muallime Islamske zajednice Bošnjaka u Švedskoj. Prije svega, zbog potrebe našeg jedinstva, a o njegovoj važnosti danas, mislim da se bar nama imamima ne bi trebalo govoriti.

Zatim, tu je mogućnost da razmjenom naših različitih iskustava, zajedničkim prijedlozima i aktivnostima pomognemo sebi na putu što boljeg uspjeha, većih rezultata i plodonosnijeg djelovanja u našem časnom imamskom pozivu.

Puno je razloga zbog kojih nam je potrebno aktivnije djelovanje Udruženja ilmijje pa vjerujem da, u tom pravcu, doprinos svih nas u budućnosti neće izostati.

Ovim putem, pozvao bih vas da se uključite u rad Udruženja, da potpišete člansku pristupnicu i svoju članarinu za 2014. godinu uplatite najkasnije do 1. jula ove godine na PG Udruženja: 500679-6.

U svoje lično ime i u ime Upravnog odbora Udruženja

Mahsuz vas selamim i želim svako dobro!

Nezir ef. Špirođić
Predsjednik Udruženja